

**J.P. MEĐUNARODNI AERODROM "SARAJEVO" D.O.O.**

Kurta Schorka 36, 71210 Sarajevo, Bosna i Hercegovina

Registrovano kod: Općinski sud Sarajevo: MBS 65-01-0419-11, JIB 4200068970001, Carinski broj 200068970001  
RAČUN: 3387302205238447, UniCredit banka d.d. Mostar, BiH

| Vrsta dok. | Izdavač     | RB          |
|------------|-------------|-------------|
| <b>DOP</b> | <b>5 01</b> | <b>3881</b> |

Strana:  
1 od 1

Broj protokola:

05-1-25-1-650-39/25

JAVNO

**DATUM:** 21.08.2025. godine**PRIMALAC:** FSM MASCHINENHANDEL GmbH, Beč, R. Austrija**PREDMET:** Obavijest o izboru najpovoljnije ponude u postupku nabavke robe:

- Najam aerodromske opreme

**VEZA:** Naš broj: 550/25

Poštovani,

na osnovu člana 71. Zakona o javnim nabavkama ("Službeni glasnik BiH", broj 39/14, 59/22 i 50/24), a nakon okončane procedure prikupljanja ponuda za nabavku robe: Najam aerodromske opreme, provedene metodom Otvoreni postupak, obavještavamo vas da je Odlukom Uprave J.P. Međunarodni aerodrom "SARAJEVO" d.o.o. Sarajevo, koja vam se dostavlja u prilogu, vaša ponuda za predmetnu javnu nabavku prihvaćena.

S poštovanjem,



v.d. DIREKTOR-a

Sanin Ramezić

Prilog: Odluka o prihvatanju ponude;

**DOSTAVLJENO:**

1. Ponuđaču
2. Upravi Društva
3. Sektoru za administrativnu podršku
4. a/a

DOP PR 05-00 03 01 Dopis, 1 Izdaje/Rev 0



|                   | Tel                     | Fax               | E-mail                        |
|-------------------|-------------------------|-------------------|-------------------------------|
| INFORMACIJE       | +387/ 33/ 289 100       | +387/ 33/ 289 356 | info@sarajevo-airport.ba      |
| DIREKCIJA         | +387/ 33/ 289 200       | +387/ 33/ 289 201 | direkcija@sarajevo-airport.ba |
| OPERATIVNI CENTAR | +387/ 33/ 289 120       | +387/ 33/ 766 841 | opoc@sarajevo-airport.ba      |
| WEB               | www.sarajevo-airport.ba | /                 | /                             |

*Handwritten signatures and initials at the bottom right of the page.*



|                                     |  |                |             |
|-------------------------------------|--|----------------|-------------|
| <b>UPRAVA</b>                       |  | Vrsta dok.     | Izdavač     |
|                                     |  | <b>ODL</b>     | <b>5-01</b> |
| Broj protokola: 05-1-25-1-650-38/25 |  | Strana: 1 od 2 |             |
|                                     |  | JAVNO          |             |

Datum: 21.08.2025. godine

Na osnovu člana 70. Zakona o javnim nabavkama („Službeni glasnik BiH“, br. 39/14, 55/22 i 50/24), a u vezi sa članom 25. Pravilnika o javnoj nabavci roba, usluga i radova u J.P. Međunarodni aerodrom „SARAJEVO“ d.o.o. Sarajevo i člana 45. Statuta J.P. Međunarodni aerodrom „SARAJEVO“ d.o.o. Sarajevo, te na osnovu Izvještaja i preporuke Komisije za provođenje postupka javne nabavke robe: Najam aerodromske opreme, broj: 05-3-25-1-650-37/25 od 20.08.2025. god., Uprava J.P. Međunarodni aerodrom „SARAJEVO“ d.o.o. Sarajevo, na 53. sjednici, održanoj dana 21.08.2025. god., donosi

## **ODLUKU**

### **I**

Za nabavku robe: Najam aerodromske opreme, prihvata se ponuda ponuđača: FSM MASCHINENHANDEL GmbH, Beč, R. Austrija, zavedena na protokol Naručioca dana 15.08.2025. godine, pod brojem: 02-4-25-1-650-29/25, u iznosu od: 71.974,54 KM (36.800,00 EUR), bez PDV-a.

### **II**

Izabrani ponuđač je, u roku od sedam radnih dana od dana prijema Obavijesti i ove Odluke o prihvatanju ponude, dužan u J.P. Međunarodni aerodrom „SARAJEVO“ d.o.o. Sarajevo dostaviti originale ili ovjerene fotokopije nedostajuće dokumentacije iz člana 45. stav (1) Zakona o javnim nabavkama, ne starije od 90 dana od dana dostavljanja ponude, i to:

- dokaz nadležnog organa da mu u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca, u skladu sa važećim propisima u zemlji u kojoj je registrovan;
- dokaz nadležnog organa da nije pod stečajem, niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti, u skladu sa važećim propisima u zemlji u kojoj je registrovan.

### **III**

Po proteku rokova za reviziju, uz prethodnu dostavu dokumentacije iz tačke II ove Odluke, J.P. Međunarodni aerodrom „SARAJEVO“ d.o.o. Sarajevo će izabranom ponuđaču ponuditi zaključenje ugovora o nabavci iz tačke I ove Odluke, kojim će se regulisati međusobna prava i obaveze ugovornih strana.

## **Obrazloženje**

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: Najam aerodromske opreme, direktor J.P. Međunarodni aerodrom „SARAJEVO“ d.o.o. Sarajevo donio je Odluku o pokretanju postupka nabavke, broj: 05-3-25-1-650-3/25 od 05.02.2025. god. Nakon provođenja postupka, isti je Odlukom Uprave J.P. Međunarodni aerodrom „SARAJEVO“ d.o.o. Sarajevo, broj: 05-1-25-1-650-15/25 od 22.05.2025. godine, poništen, te je naloženo njegovo ponavljanje. Također, i ponovljeni postupak predmetne nabavke je poništen, i to Odlukom Uprave J.P. Međunarodni aerodrom „SARAJEVO“ d.o.o. Sarajevo, broj: 05-1-25-1-650-26/25 od 24.07.2025. godine, a istom je naloženo njegovo ponovno ponavljanje. U skladu sa tom Odlukom, J.P. Međunarodni aerodrom „SARAJEVO“ d.o.o. Sarajevo (u daljem tekstu: Društvo) je dana 31.07.2025. godine na portalu javnih nabavki objavilo obavještenje o nabavci, broj: 246-1-2-491-3-171/25, a Rješenjem, broj: 05-1-25-1-650-28/25 od 31.07.2025. god., imenovana je i Komisija za provođenje postupka.

Do ostavljenog roka za predaju ponuda, 20.08.2025. god., na adresu Društva ponudu je dostavio jedan ponuđač, i to: FSM MASCHINENHANDEL GmbH, Beč, R. Austrija. Na javnom otvaranju ponuda, održanom isti dan bez prisustva predstavnika ponuđača, pročitano je naziv ponuđača i ponuđena cijena od 71.974,54 KM (36.800,00 EUR). Nakon javnog otvaranja ponuda, Komisija se sastala radi detaljne analize iste, te je njenim pregledom i analizom utvrdila da je ponuda, u smislu člana 65. stav (1) Zakona o javnim nabavkama, formalno-pravno, tehnički i računski ispravna, te prihvatljiva za Društvo. Za predmetnu javnu nabavku bila je predviđena e-aukcija, ali s obzirom da je zaprimljena samo jedna prihvatljiva ponuda, ona nije održana.

U pogledu obaveza za ponuđača, naloženih tačkom II dispozitiva ove Odluke, utvrđeno je da je ponuđač u okviru svoje ponude dostavio dokaze da nema dospjelih, a neizmirenih obaveza po osnovu direktnih i indirektnih poreza, penzionog i invalidskog osiguranja, te zdravstvenog osiguranja, ali nije dostavio dokaze navedene u tački II, te mu je, u skladu sa uslovima iz tenderske dokumentacije, kao i u skladu sa Zakonom o javnim nabavkama, utvrđena obaveza dostave nedostajuće dokumentacije, i to u roku od 7 (sedam) radnih dana od dana prijema Obavijesti i ove Odluke o prihvatanju ponude.

|                |             |
|----------------|-------------|
| Vrsta dok.     | Izdavač     |
| <b>ODL</b>     | <b>5-01</b> |
| Strana: 2 od 2 |             |
| JAVNO          |             |

S obzirom na naprijed navedeno, Komisija je predložila Upravi Društva da se ugovor za predmetnu nabavku, u vrijednosti od 71.974,54 KM (36.800,00 EUR), bez PDV-a, dodijeli ovom ponuđaču.

Uprava Društva je na svojoj 53. sjednici, održanoj dana 21.08.2025. god., razmotrila Izvještaj i preporuku Komisije, te je, nakon uvida u provedeni postupak, istu i prihvatila, pa je, na osnovu člana 70. Zakona o javnim nabavkama, a u vezi sa članom 25. Pravilnika o javnoj nabavci roba, usluga i radova u Društvu, donijela Odluku kao u dispozitivu.

**POUKA O PRAVNOM LIJEKU:** Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa - Društva, u pisanoj formi, direktno na protokol Društva, elektronskim putem ili preporučenom poštanskom pošiljkom, u 3 (tri) primjerka, i to u roku od 10 (deset) dana od dana prijema Odluke.

**v.d. DIREKTOR-a**  
  
 Sanin Ramezić



Prilog: Zapisnik o pregledu i ocjeni ponuda;

**DOSTAVLJENO:**

1. Ponuđaču
2. Upravi Društva (orig.)
3. Sektoru za administrativnu podršku
  - Služba nabavke (orig.);
  - Služba za pravne poslove i protokol;
4. a/a